

Лета 7006-го месяца септемвриа уложил князь великий^а. 1
Иван Васильевич всея Руси с детми своими и с бояры о суде,
как судити бояром и околичичим.

[1] Судити суд бояром и околичичим. А на суде быти у бояр
и у околичичих диаком. ^бА посулов бояром, и околичичим,
и диаком^б от суда и от печалованиа не имати; також и всякому
судие посула от суда не имати никому. А судом не мстити,
ни дружити никому.

[2] А каков жалобник к боярину придет, и ему жалобников
от себе не отсылати, а давати всемь жалобником управа в всемь,
которымь пригоже. А которого жалобника а непригоже управити,
и то сказати великому князю, или к тому его послати, которому
которые люди приказаны ведати.

[3] А имати боярину и диаку в суде от рублеваго дела на
виноватом, кто будет виноват, ищеа или ответчик, и боярину
на виноватом два алтына, а диаку осмь денег. А будеть дело ||
выше рубля или ниже, и боярину имати по тому росчету.

[4] О **полевых пошаннах**. А досудятя до поля, а у поля не ^{а. 1 об.}
стояв, помиратья, и боярину и диаку по тому росчету боярину
с рубля два алтына, а диаку осмь денег; а околичичему, и диаку,
и неделщичом пошлин полевых нет.

[5] А у поля стояв помиратя, и боярину и диаку имати по
тому ж росчету пошлинны свои; а околичичему четверть^а и диаку
четыре алтыны з денгою, а неделщичу четверть,^б да неделщичу ж
вясчего два алтына.

[6] А побиятс на поли в заемном деле или в бою, и боярину
с диакомь взяти на убитом противень противу исцева; а околичичему
полтина, а диаку четверть, а неделщичу полтина да неделщичу ж
вясчего 4 алтыны.

^а В рукописи велик. ^{б-г} Приписано сверху листа другим почерком. ^{а-б} Приписано внизу листа другим почерком.

[7] **А** побьются на поли в пожеге, или в душегубстве, или в разбой, или в татбе, ино на убитом исцево доправити; да око-
л. 2 ничему || на убитом полтина да доспех, а диаку четверть, а недел-
щику полтина, да неделщику ж вясчего 4 алтыны. **А** сам убитой
в казни и в продажи боярину и диаку.

[8] **О татбе. А** довелуть на кого татбу, или разбой, или душе-
губство, или ябедничество, или иное какое лихое дело, и будет
ведомой лихой, и боярину того велети казнити смертною казнию,
а исцево велети доправити изъ его статка, а что ся у статка
останеть, ино то боярину и диаку имати себе. **А** противень
и продажа боярину и диаку делити: боярину два алтына, а диаку
осмь денег. **А** не будет у которого лихого статка, чем исцево
заплатити, и боярину лихого истцу въ его гибели не выдати,
а велети его казнити смертною казнию тиуну великого князя
московскому да дворскому.

л. 2 об. [9] **А** государскому убийце и коромолнику, церко|вному татю,
и головному, и подымщику, и зажигапнику, ведомому лихому
человеку живота не дати, казнити его смертною казнию.

[10] **О татех. А** котораго татя поймают с какою татбою ни
буди впервые, опроче церковные татбы и головные, а в иной
татбе в прежней довода на него не будет, ино его казнити тор-
говою казнию, бити кнутием да исцево на нем доправя, да судие
его продати. **А** не будет у того татя статка, чем исцево заплатити,
ино его бив кнутием, да исцу его выдать въ его гибели голо-
вою на продажу, а судье не имати ничего на нем.

[11] **А** поймают татя выдругие с татбою, ино его казнити
смертною казнию, а исцево заплатити изъ его статка, а достааь
его статка судье. **А** не будет у того татя статка с исцеву гы-
бель, ино его исцу в гибели не выдати, казнити его смертною
казнию.

л. 3 [12] **А** на кого взмолят детей боярских человек || пять или
шесть добрых, по великого князя по крестному целованию, или
черных человек пять—шесть добрых христиан целоваников,
что он татъ, а довода на него в прежнем деле не будет, у кого
краа или кому татбу плачиваа, ино на том взяти исцеву гибель
бес суда.

[13] **О поличном. А** с поличным его приведут впервые, а взмо-
лят на него человек пять или шесть по великого князя по крест-
ному целованию, что он татъ ведомой, и през того неодинова
крадываа, ино того казнити смертною казнию, а исцево запла-
тити из его статка.

[14] **О татных речех. А** на кого татъ взмоливт, ино того

опытати: будет ^априрочной человек з доводом, ^бино его пытати в татбе; а не будет ^вна него ^гприрока з доводом в какове деле в прежнем, ино татиным речем не верити, дати его на поруку ^ддо обыску.

[15] **О правой грамоте.** А от правые грамоты имати от печати с рубля по девяти денег, а диаку от подписи с рубля по алтыну, а подъячему, которой грамоту напишет правую, имати с рубля по три денги.

[16] **О докладном списке.** **!** А докладной список боярину печатати своєю печатью, а диаку подписывати. А имать боярину от списка с рубля по алтыну, а диаку от подписи ^зс рубля по четыре денги, а подъячему, которой на списке напишет, с рубля по две денги.

[17] **О холопней о правой грамоте.** А с холопа и с робы от правые грамоты и от отпустные боярину имати от печати с головы по девяти денег, а диаку от подписи по алтыну с головы, а подъячему, которой грамоту правую напишет или отпустную, с головы по три денги.

[18] **О отпустной грамоте.** А положит кто отпустную без боярского доклада и без диачей подписи, или з городов без наместнича доклада, за которым боярином кормление с судом боярским, ино та отпустнаа не в отпустную, опроче тое отпустные, что государь своєю рукою напишет, и та отпустнаа грамота в отпустную.

[19] **О неправом суде.** А которого обинит боярин не по суду и грамоту правую на него съ диаком дать, **ино та грамота** не в грамоту, а взятое отдати назад, а боярину и диаку в том пени нет, а исдем суд с головы. **||**

[20] **О наместниче указе.** А наместником и волостелем, ^лкоторые держат кормления без боярского суда, холопа и робы без доклада не выдати, ни грамоты беглые не дати; також и холопу и робе на государя грамоты правые не дати без доклада, и отпустные холопу и робе не дати.

[21] **О великом князи.** А с великого князя суда и с детей великого князя суда имати на виноватом по тому же, как и с боярского суда, с рубля по два алтына, кому князь велики велит.

[22] **О правой грамоте.** От правыя грамоты имать от печати печатнику великого князя и детей великого князя печатнику с рубля по девяти денег, а дьяку от подписи с рубля по алтыну,

^{а-б} В рукописи прочтой человек з довом. ^{в-г} Приписано на полях другим почерком. ^{д-з} Приписано над строкой другим почерком. ^л Буква д пропущена.

а подьячему, которой грамоту правую напишет, с рубля по три денги.

[23] А с холопа и с робы печатнику имати от правые грамоты с головы по девяти денег, а дьяку имати от подписи с головы по алтыну, а подьячему,² которой грамоту напишет, имать с головы по три денги. ||

л. 4 об. [24] **О докладном списке.** А докладной список с великого князя докладу и с детей великого князя докладу печатати великого князя печатнику и детей великого князя печатнику; от печати имати от списка с рубля по девяти денег; а дьяку от подписи с рубля по алтыну, а подьячему, которой на списке напишет, имать с рубля по две денги.

[25] **О безсудном списке.** А от безсудных грамоты имати печатнику с рубля по алтыну, а дьяку от подписи по алтыну же с рубля, а подьячему имать с рубля по две денги.

[26] **О срочных.** А от срочных от подписи дьяку имать от срочные по две денги. А от отписных срочных дьяку имати от подписи с рубля по три денги. А подьячим имати от писма с рубля по две денги. А коли ищя или ответчик оба вместе хотят срок отписати, и они платят оба по половинем от подписи и от писма, а неделщику хоженое. А которой ищя или ответчик к сроку не поедет, а пошлет срока отписывать, и тому все платить

л. 5 об. || от срочных от обеих да и хоженое. А срочные дьяком держати у себя.

[27] **О безсудных.** А как давати безсудная, дьяком снести срочная самим вместо, да розобрав срочные самим дьяком, да велети им подьячим бессудные давати и сроки отписывать. А подьячим срочных не давати. А безсудные давати с осмаго дня.

[28] **О приставных.** А от приставных имати печатнику у неделщиков по езд: с которые приставные рубль неделщику, и дьяку от подписи взяти алтын у неделщика с рубля, а печатнику от печати у неделщика взяти алтын же. А будет езд боши рубля или менши до которого⁶ города, и дьяку и печатнику имать по тому же росчету. А будет в приставной иск менши езд, и дьяку тех приставных не подписывать; а без неделщиков дьяком приставных не подписывать же. А колко вытей в приставной ни будет, и неделщику езд один до того города, в которой город приставная писана.

л. 5 об. [29] А хоженного || на Москве плошеднаа неделщику десеть денег, а на правду вдвое; и от поруки поминков не имати им. А езд

² В рукописи было подьячейву, слою му зачеркнут. ⁶ В рукописи которого.

неделщик едет до которого города, а на правду им имати вдвое езд.

[30] Указ о езде. А¹ езд² от Москвы до Коломны полтина, до Коширы полтина, до Хотуни десеть алтын, до Серпухова полтина, до Тарусы 20 алтын, до Алексина полтретьяцать алтын, до Колуги рубль, до Ерославац полтина, до Вереи полтина, до Боровска полтина, до Вышегорода полтина, до Кременска 20 алтын, до Можайска полтина, а³ до Медыни пол-30 алтын, до Вязма пол-2 рубля, до Звенигорода 2 гривны, до Воротынска 40 алтын, до Одоева 40 алтын, до Козельска рубль с четвертью, до Белева тож, до Мезецка 40 алтын, до Оболенска полтина, до Дмитрова 10 алтын, до Радонежа четверть, до⁴ Переславля 20 алтын, до Ростова рубль, до Ерославля рубль с четвертью, до Вдлогды пол-3 рубля, до Белоозера пол-3 рубля, до Устюга пять рублиев, до Вычегды 7 рублиев, до Двины и до а. 6 Колмогор 8 рублиев московскаа, до Володимеря рубль с четвертью, до Костромы пол-2 рубля, до Юрьева рубль, до Суздаля рубль с четвертью, до Галича пол-3 рубля, до Мурома пол-2 рубля, до Стародубских князей отчины пол-2 рубля, до Мешеры два рубля, до Новгорода Нижнего пол-3 рубля, до Углича рубль, до Бежицкого Верху полтора рубля, до Романова рубль с четвертью, до Клина полтина, до Кашина рубль, до Твери рубль, до Зупцева и до Опок рубль, до Хлепни 40 алтын, до Ржевы рубль с четвертью, до Новгорода до Великаго пол-3 рубля московскаа.

[31] А ездити неделщиком и на поруку давати самим с приставными или своих племянников и людей посылати с приставными. А урочников им не посылати с приставными. А от поруки им с приставными ездячи не имати ничего. О неделщиках указ. А в котором городе живеть неделщик, || ино ему с приставными а. 6 об. в том городе не ездити, ни посылати ему с приставными в свое место ни в какове деле.

[32] А кто⁵ по⁶ кого пошлет пристава в чем, и что ему в том убытка станет в волоките, или что даст от срочные и от правые грамоты или от бессудные, и правому то все взяти на виноватомь.

[33] А неделщиком на суде на боярина, и на околичич,⁷ и на диakov посула не просити и не имати, а самимь от поруки посулов не имати.

[34] А которому дадут татя, а велят его пытати, и ему пытати татя безхитростно, а на кого татя что⁸ взговорит, и ему то ска-

¹— Переделано из до. ⁶ Приписано над строкой кинюварю. ⁷— В рукописи да.
²— Приписано сверху листа дружи почерком. ⁸— Приписано сверху над строкой.
³ Исправлено из олицкич. ⁴ После словъ что зачеркнуто кинюварю слово татя.

зати великому князю или судии, которой ему татя дасть, а клепати ему татю не велети никого. А пошлют которого неделщика по татей, и ему татей имати безхитростно, а не норовити ему никому. А изымав ему татя, не отпустити, ни посула не взяти; а опришних ему людей не имати.

а. 7 [35] А у которого неделщика сядят тати, и ему || татей на поруку без доклада не дати и не продавати ему татей.

[36] А которого татя дадут на поруку в какове деле ни буди, и им исцов и ответчиков не волочити, а ставити их перед судиами. А срочные их христианом отписывать и бессудные давати не волочитно, а от безсудных им у христиан не имати ничего. А коли срок отпишут^а обема истцею вместе, и ему взяти одно хоженое с обеих сторон, а опроче того ему не взяти ничего. А в ездзу своему дати на поруку до обыску, доколе дело скончается, и ему взяти ездз на виноватом. А кто ищеа или ответчик сам не поедет ко ответу, а пришлет в свое место срока отписывати, и неделщиком хоженое взяти на том на одном, кто поедет въ его место срока отписывати.

[37] Указ наместником о суде городским. А в которой город или в волость^а в которую приедет неделщик или его человек с приставною, и ему приставная явити наместнику или волостелю, или их тиуном. А будут || оба исца того города или волости судимья, и ему обох исцов поставити пред наместником или пред волостелем или перед их тиуны.

[38] А бояром или детем боярским, за которыми кормления с судом с боярским, имуть судити, а на суде у них быти дворскому, и старосте и лутчимь людем. А без дворского, и без старосты, и без лутчих людей суда наместником и волостелем не судити; а посула им от суда не имати, и их тиуном и их людем посула от суда не имати же, ни на государя своего, ни на тиуна, и пошлинником от суда посулов не просити. А имати ему с суда, оже доищется ищеа своего, и ему имати на виноватом противень по грамотам, то ему и с тиуном; а не будетъ где грамоты, и ему имати противу исцева. А не доищется ищеа своего, а будет виноват ищеа, и ему имати на ищеи с рубля по два алтына, || а тиуну его с рубля по осми денег. А будет дело выше рубля или ниже, ино имати на ищеи по тому ж росчету. А доводчику имати хоженое и ездз и правда по грамоте. А досудятся до поля да помирятсся, и ему имати по грамоте. А побиятсся на поли, и ему имати вина и противень по грамоте. А где нет грамоты,

^а В рукописи вость.

а помирятся, и ему имати противень вполы исцева, то ему и с тиуном. А побиятся на поли в заемном деле, или в бою, и ему имати противень против исцева. А побиятся на поли в пожере, или в душегубстве, или в разбое, или в татбе, ино на убитом исцево доправити, а сам убитой в казни и в продажи наместнику, то ему и с тиуном.

[39] **О татех указ.** А доведут на кого татбу, или разбой, или душегубство, или ябедничество, или иное какое лихое дело, а будет ведомой лихой, и ему того велети казнити смертною казньою, а исцево доправити || из его статка, а что ся у статка а. 8 об. останеть, ино то наместнику и его тиуну имати себе. А не будет у которого у лихого статка, чем исцево заплатити, и ему того лихого исцю вь его гибели не выдати, велети его казнити смертною казньою.

[40] **О правой грамоте.** А от правой грамоты имати боярину или сыну боярскому, за которым кормленья с судом с боярским, с рубля по полутретья алтына от печати, то ему и с тиуном; а дьяку, которой грамоту правую напишет, от писма с рубля имати по три денги. А тиун дасть грамоту правую, и он емлет от печати с рубля по полутретья алтына на государя своего и на себя, а дьяк его емлет с рубля по три денги. А с холопа и с робы от правые грамоты от отпустные имати боярину или сыну боярскому, за которым кормленне с судом с боярским, от печати з головы по полутретья алтына. А дьяк его от писма || з головы а. 9 об. по три денги.

[41] А тиуну его на корьмление холопу правые грамоты без доклада государя и отпустныя грамоты не дати.

[42] **О отпустной грамоте.** А положит кто отпустную грамоту без боярского доклада и без дьячей подписи, или з городов без наместничя доклада, за которым кормление за сыном боярским с судом с боярским, и та отпустная грамота не во отпустную, опроче тое отпустные, что государь своею рукою напишет, и та отпустнаа грамота во отпустную.

[43] Наместником и волостелем, которые дрьжать кормление без боярского суда, и тиуном великого князя и боярским тиуном, за которыми кормления с судом з боярским, холопа и робы без доклада не выдати и отпустные не дати; а татя и душегубца не пустити и всякого лихого человека без доклада не продати, ни казнити, ни отпустити.

[44] **О приставех.** А приставом наместничим по городом имати || а. 9 об. хоженое и езд по грамоте, а где нет грамоты, и ему хоженое

имати в городе по четыре денги, а езд на версту по дензе, а на правду в городе и в волости вдвое.

[45] **Аще** кто пошлет прѣстава по наместника, и по волостеля, по боярина и по сына боярскаго, и по их тиунов, и по великого князя тиунов, и наместнику и волостелю, и их тиуном, и великого князя тиуном, и доivotчиком к сроку отвечать ехати; а не поедет к сроку сам, и ему к сроку в свое место к ответу послати.

[46] **О торговце.** А кто купит на торгу что ново, опроче лошади, а у кого купит, не зная его, а будет людем добрым двема или трем ведомо и поймаются у него, и те люди добрые скажут по праву, что пред ними курил в торгу, ино тот прав, у кого поимались и целованиа ему нет.

[47] А кто купит на чужей земли что, а поймаются у него, и толко у него свидетелей два* или три люди добрые скажут по праву, что перед ними курил в торгу, ино тот прав, у кого а. 10 поимались, и целованиа ему не~~т~~; а не будет у него свидетелей, ино ему правда дати.

[48] **О послушестве.** А кого послух послушествует в бою или в грабежу или в займех, ино судити на того волю, на ком ищут, хошет на поле с послухомъ лезет, или став у поля, у креста положит, на нем ищут, и истецъ бес целованиа свое возмет, и ответчикъ и полевые пошланы заплатит, а вины ему убитые нет. А не стояв у поля, у креста положит, и он судиамъ пошланы по списку заплатит, а полевых ему пошланы нет.

[49] А противу послуха ответчик будет стар, или мал, или безвечен, или поп, или чернец, или черница, или жонка, ино противу послуха наймит наняти волно, а послуху наймита нет. А что правому учинится убытка или его послуху, ино те убытки на виноватом.

[50] А послух не пойдет перед судью, ест ли за ним речи, нет ли, ино на том послусе исцово и убытки и все пошланы а. 10 об. взяты. А с праветчиком о сроде то~~л~~му послуху суд.

[51] А послух не говорит перед судиями в исцевы речи, и истецъ тем и виноват.

[52] А на ком чего взыщет жонка, или детина мал, или кто стар, или немощен, или чем увечен, или поп, или чернец, или черница, или кто от тех в послушестве будет кому, ино наймита наняти волно. А исцем или послуху целовати, а наймитом битися; а противу тех наймитов исцу или ответчику наймит же; а восхочет, и он сам битися на поли.

* В рукописи добавлено и два.

[53] А кто кого поймает приставом в бою, или в лае, или в займех и на суд ити не восхотят, и они доложат судии, помирятся, а судьи продажи на них нет, опроче еяду и хоженного.

[54] А наймит не дослужит своего урока, а пойдет прочь, и он найму лишен.

[55] **О займех.** А которой купецъ, идучи в торговлю, возьмет у кого денги или товар, да на пути у него утерается товар безхитростно, истонет, или згорить, или рать возьметъ, и боярин обыскав, да велит дати тому дяку великого князя полетную грамоту с великого князя печатию, платити исцеву истину без росту. А кто у кого взявши что в торговлю, да шед пропиеет или иным каким безумием погубит, товар свой без напразднства, и того исцю в гибели выдати головою на продажу. ||

[56] А холопа полонит рать татарскаа, а выбежит ис полону, а. 11 и он слободен, а старому государю не холоп.

[57] **О христианском отказе.** А христианом отказыватися из волости, ис села в село, один срок в году, за неделю до Юрьева дни осеннего и неделю после Юрьева дни осеннего. Дворы пожилые платят в полах за двор рубль, а в лесех полтина. А которой христианин поживет за ким год, да поидет прочь, и он платит четверть двора, а два года поживет да поидеть прочь, и он полдвора платит; а три годы поживет, а поидет прочь, и он платит три четверти двора; а четыре годы поживет, и он весь двор платит.

[58] **О чюжоземдех.** А которой чюжоземец на чюжоземце чего взыщет, ино того воля, на ком ищут, хочет отцелуется, что в том не виноват, или у креста положит чего на нем ищут, и истец, поцеловав крест, да возьмет.

[59] А попа, и диакона, и черныца, и черницу, и строя, и вдову, которые питаются от церкви божиа, то судить святитель или его судия. А будет простой человек с церковным, ино суд вопчей. А котораа вдова не от церкви божиа питается, а живет своим домом, то суд не святительской.

[60] А которой человек умрет без духовные грамоты, а не будет у него сына, ино статок весь и земли дочери; а не будет у него дочери, ино взяти ближнему от его рода.

[61] **О изгородах.** А промежи сел и деревень городити изгороды по половинам; а чьюю огородою учинится протрава, || ино л. 11 об. тому платити, чья огорода. А где отожки помни от сел или от деревень, ино поженному государю не городитися, городит тот всю огороду, чья земля оранаа пашня к пожни.

[62] **О межах.** А кто сореть межу или грани ссечет из великого князя земли боярина и монастыря, или боярской и монастырской у великого князя земли, или боярской или монастырской у боярина, или боярской у монастыря, и кто межу сорал или грани ссек, ино того бити кнугием, да исцу взяти на нем рубль. А христиане промежу себя в одной волости или в селе кто у кого межу переорет или перекосит, ино волостелем или поселскому имати на том за боран по два алтына и за рану присудят, посмотря по человеку и по ране и по рассужению.

[63] **О землях суд.** А възышет боярин на боярине, или монастырь на монастыре, или боярской на монастыре, или монастырской на боярине, ино судити за три годы, а дале трех годов не судити. А възышет черной на черном, или поместник на поместнике, за которым земли великого князя, или черной или селаской на поместнике, или поместчик на черном и на сельском, ино судити потому ж за три годы, а дале трех годов не судити. А възышт на боярине или на монастыри великого князя земли, ино судити за шесть лет, а дале не судить. А которые земли за приставом в суде, и те земли досуживати.

[64] А пересудчиком пересуд имати на виноватом две гривны, а менши рубля пересуда нет. А с списка с суднаго и с холопа а. 12 и с земли || пересуда нет. А с поля со всякого пересуд. А список оболживит кто да пошлется на правду, ино в том пересуд. А подвойским правого десятка 4 денги, а имати на виноватом же.

[65] А на котором городе^в будут два наместника или на волости два волостеля, и им имати пошлины по сему списку обе за сдного наместника, а тиуном их за одного тиуна, и они себе делают по половинам.

[66] **О полной грамоте.** По полной грамоте холоп. По тиунству и по ключю по сельскому холоп за докладом и без доклада, и с женою и с детьми, которые у одного государя; а которые его дети у иного или себе учнут жити, то не холопи; а по городцкому ключю не холоп; по робе холоп, по холопе роба, приданой холоп, по духовной холоп.


[67] **О посулех и о послушестве.** Да велети^{в-д} прокликать^д по торгом на Москве и во всех городех Московские земли и Новогородцкие земли и по всем волостем заповедати, чтобы ищера и ответчик судиаи и приставом посулу не суаиаи в суду, а послухом не видеи не послушествовати, а видевши сказати правду.

^в В рукописи *годе*. ^{д-д} В рукописи *прокликать*.

А послушествует послух живо не видев, а обыщется то опосле, ино на том послухе гибель исцева вся и с убыткы.

[68] **О полевых пошлянах.** А к полю приедет околничей и диак, и околничему и диаку вспросити исцев, ищеи и ответчиков, кто за ними стряпчей и поручники, и кого скажут за собою стряпчих и поручников, и им тем велети и стояти, а доспеху и дубин и ослопов стряпчим и поручником у себя не держати. || л. 12 об. А которые имуть опришние у поля стояти, и околничему и диаку тех отслати прочь. А не пойдут опришнии люди прочь, и околничему и диаку на тех велети исцово доправити и с пошлянами да велети их дати на поруку да поставити перед великим князем.





Судебник 1497 года // Судебники XV – XVI веков / под
общ. ред. Б.Д. Грекова; подгот. текста и коммент.
Р.Б. Мюллер, Л.В. Черепнина. – М. ; Л. : Издательство
Академии наук СССР. – С. 17 – 29.